

Nanzningz Daiqdaeuz Youq Gih Raeuz Laebbaenz Aen Yenzgiuvei Couqmaenh Gij Eiqsik Caezcaemh Cunghvaz Minzczuz

Vih haeujaeg guhsaed gij vah youqgaenj Siz Ginbingz cungjsuhgi gvendaengz couqmaenh gij eiqsik caezcaemh Cunghvaz Minzczuz caeuq gij iugouz fanghloz youqgaenj Gvangjsih, haeujsim aeu couqmaenh gij eiqsik caezcaemh Cunghvaz Minzczuz gyamaenh coicaenh gak minzczuz doxgiet buekguh, mboengqneix, Nanzningz Si daiqdaeuz youq gih raeuz laebbaenz Aen Yenzgiuvei Couqmaenh Gij Eiqsik Caezcaemh Cunghvaz Minzczuz.

Aen yenzgiuvei neix cawjdaeuz dawz aen rap cujciz hezdiuz、yenzgiu lijn、gyauhliuz yozsuz、

vunz cam aeu hoizdap gezcwz、son'gyauq lwnhgangj daengj, dawz cauhaeb aen ranzmbanj cingsaenz caezcaemh Cunghvaz Minzczuz guh dazyinx, haeujaeg yenzgiu hwnqguh aen ranzmbanj vuenyungz baenzmiz caezcaemh、aen ranzmbanj doxbang huzndei、aen ranzmbanj habyouq ndangcangq naihsouh gyaundeix、aen ranzmbanj henzguk onjdingh bingzan (lajneix heuhguh “haj aen ranzmbanj”) daengj. Aen de hwnqguh ndei buek dieggiek caeuq aen doih yenzgiu, doigvangq gij gingniemh youq ndaw segih hawsingz ceihleix

hongsae h minzczuz gihcwngz lumjbaenz Aen Segih Banzlungz daengj, yenzgiu lijn caeuq cauhoq saedguh guh'ok cingzciak daeuj, gangj ndei gij goj minzczuz doxgiet baenaj Nanzningz.

Baezlaeng, Nanzningz Si yaek caenhrengz hwnqguh aen gih guhyiengh couqmaenh gij eiqsik caezcaemh Cunghvaz Minzczuz, caezsim comzrengz hwnqguh “haj aen ranzmbanj”, laebdae uet rongh aen ciubaiz gim, doidoengh ginghci gwnzbiengz youh ndei youh vaiq hwnghat.

(韦尹璇 / Veiz Yinjsenz)

Henzguk Aeu Fwen Bae Cienz Fap Fapceih “Ganjhaw” Raeuj Sim Vunz



4 nyied 26 hauh dwg ngoenzhaw Cingsih Si Lungzbanh Cinz, Diuz Haw Lungzbanh vunzlai henzguk Cunghgoz、Yeznanz daeuj haw, hongh haw hongh gai vunz ndaetfwdfwd, vunz lai vunz daih, nauhyied dangqmaz. Ngoenzde, Bwzswz Si “Sam Nyied Sam Gvangjsih • henzguk aeu fwen bae cienz fap” caeuq gij yizsiz aen haw vwnzyi laeng mwh Cunghgoz、Yeznanz ganjhaw lajmbanj lwnh fapceih youq Diuz Haw Lungzbanh haiguh. Yienhciengz lij guh vwnzyi biujyienj, aeu eu fwen、douz lanzgiuz、ndek gyongx youzyenz、dajgaj daengj lai fuengsik bae lwnhgangj faplwd. Gak aen danhvei fat swliu、hoizdap vunzlai camcaz faplwd, lwnh gij cihsiz gvendaengz gij rengz henhoh ancienz guckgya、guenjieix henzguk、fanjdioiq sezgyau caeuq dwkgoemj、cwngcwz minzczuz daengj. Hozdung neix gaenxmaenx doicaenh vwnzva fapceih caeuq vwnzva minzsug cienzdoengj deihfueng doxyungz hwnghat, cauhoq aeu fuengsik miz gij daegsaek minzczuz bae lwnh faplwd, coicaenh lwnhgangj fapceih haeuj lajmbanj, haeuj daengz ndwenngoenz vunzlai bae.

(巴耀文/Bah Yauvwnz)

◀Bouxguh hong fat swliu hawj vunzlai.

Canghvuz Haiguh Aen Hozdung Daengx Biengz Doegsaw

4 nyied 25 hauh, Vuzcouh Si Canghvuz Yen guh aen yizsiz daengx biengz doegsaw bi 2024 caeuq aen hozdung cawjdae lwnhgangj “hoh gomiuz • henzdoengh sawciem heu”. Hozdung miz gien saw、biujyienj gvaibanj、faenyienj doegsaw、cuengq sing

doegsaw、doigawj saw ndei hawj vunzlai daengj. Baez hozdung neix gyagiengz dazyinx gyoengqvunz doegsaw, guh'ok gij fwnhveiz daengx biengz doegsaw naekna, doidoengh hwnqguh gij cingsaenz vwnzmingz sevi cuji.

(黎杰源/Liz Gezyenz)



▲ Doengh boux dayozswng h daeuj cam hong ra hong.

“Yahmoiz” Denhdwngj “Guhmoiz” Bang Bizyezswng Gauhyau Couhnieb

4 nyied 25 hauh, Cungzcoj Si Denhdwngj Yen cujciz aen cuj guhhong bae Gveilnz Lijgungh Dayoz aen fwnhyau laeng Nanzningz Si, camgya aen hoih youq seizcin gunggeng coi gaih 2024 bizyezswng couhnieb caeuq “aen suenqveh ce vunz” aen hoih ciuvunz bi 2024 Cungzcoj Si. Cawzok bizyezswng gag daeuj cam hong, aen cuj ciuvunz lij dwk denva

hawj doengh boux bizyezswng dwg vunz ndaw yienh haenx, heuh gyoengqde daeuj neix ra hong guh、bauqmingz, yinx gyoengqvunz ma ranzmbanj guhhong, guh “yahmoiz” bang bizyezswng couhnieb. Ngoenzde, Denhdwngj Yen gungh cuengq ok 88 aen vihhong, miz 31 vunz bauqmingz siengj guh gij hong neix.

(黄城松 / Vangz Cwngzsungh)



▲ Lwghag biujyienj gvaibanj.